

Return of Year 11-13 students to on-site learning

Tēnā koutou te whanau whānui o Te Kura Tuarua o Manurewa.

Nā te whakataua a te kāwanatanga otirā Minita Hipkins, e āhei ana ngā tau 11 ki te tau 13 ki te hoki ā tīnana mai ki te kura hei te wiki e heke mai nei (Tuesday 26 October). E mōhio pai ana mātou, ki te piki anō ngā ākongā ki taumata kē atu, he mea nui te mahi kanohi ki te kanohi, ā, ki te whai tautoko rātou anō.

Hei āwhina ki a mātou o te kura, he tono tēnei ki te whānau whānui kia whakahoki kōrero mai mā īmera mā pātuhi rānei i mua tonu mai i te Rāmere (Friday 9am), ki te whakamōhio mehemea e hoki mai ana āu tamariki ki te kura hei te tīmatanga o te wiki (Tuesday 26 October). Tēnā whakapā mai ki mhs@manurewa.school.nz

Kei raro iho nei ngā taipitopito kōrero mai i a Manatū Hauora hei āwhina i a koe i tāu nā whakataua:

E tika ana. E nui ake ngā ākongā e tae ā tīnana mai ki te kura, engari kei te noho tonu a Tāmaki Makaurau ki te taumata tuatoru. Ā, e mōhio tonu ana kei te ora a mate korona ki roto i te hāpori.

Nō reira, hei haumarutanga mō te hāpori o te kura, ka whai tika mātou ki ngā aratohu o Manatū Hauora.

Nō te tīmatanga mai o tēnei hōrapatanga a mate korona, kei te piki tonu ngā tatauranga o ngā tāngata kua riro i te rongoā āraimate. E ai kii ngā raraunga o Manatū Hauora, nō te 18 o Whiringa-ā-Nuku, 89% o ngā tāngata e noho ana ki Tāmaki kua werohia tuatahi i taua rongoā, ā, 71% kua riro i ngā mea e rua. Kua piki ngā tatauranga mai i te 42% me te 25% anō.

Ko tēnei tētahi o ngā take kua whakaaetia e te kāwanatanga kia hoki ā tīnana mai ngā tuākana ākongā ki te kura.

Ko te tohutohu o Manatū Hauora, me whai tika i ngā aratohu haumaruru. Me mau ngā ākongā me ngā kaiako i te ārai kanohi ki te kura i ngā wā katoa.

Ko te tūraru nei, ka toha i te mate korona mā te haerenga mai ki te kura me te hokinga atu ki te kāinga. Anō hoki ki te kore e whai tika i ngā aratohu a Manatū Hauora. He tono anō tēnei kia āta kōrerohia ki ā tatou rangatahi i ēnei whakatūpato. Kia mau i ngā ārai kanohi, kia haumarutia rātou anō i a rātou e haeereere ana, kia kua hoki e tipitipi me ā rātou hoa. Ā, me hoki tōtika ki te kāinga i whai muri mai te kura.

Ko ngā tohutohu a Manatū Hauora, me whai tika i ngā aratohu e whai ake nei:

- me noho ki te kāinga mehemea kua pā koe ki te māuiui, me whai whakamātautau anō
- ko ngā tamariki e tūraru ana ki te mate, me noho ki te kāinga
- ko ngā kaiako kahore anō kia whiwhi i te ārai rongoā e tūraru ana ki te mate rānei, me noho ki te kāinga
- me mau ngā tāngata katoa i te ārai kanohi i ngā wā katoa
- me whai take ngā manuhiri ki te kura

- me whakamā i ngā ringaringa, me aro ki ngā whakatūpato matihe, maremare hoki
- kia whakahauhau ngā akomanga
- ka whakamā i ngā papa o te akomanga ia rā
- kia tū kia noho wehewehe
- kia 2 mita te whakawehewehe ki ngā tāngata e tauhou ana ki a koe
- kia rēhita tonu mā te tūtohinga QR COVID app
- kia rēhita tonu mā te pepa rēhita ahakoa ākonga, Kaiako, manuhiri rānei

Hei tautoko i te hokinga mai o ngā ākonga ki te kura, me whai tika i ēnei aratohu nā te kāwanatanga anō.

- me mau i te ārai kanohi i a te ākonga e haere ana mā runga pahi mā runga tereina hoki
- kia whai wā anō ngā ākonga me ngā kaiako ki waho tonu i te akomanga, arā, te paramanawa, te kai nui o te rā, ki mua ki muri hoki i te wā kura. Kia whakahauhau hoki i ngā akomanga.
- mehemea ko te kori tīnana, ko te waiata te mahi, ka puta ngā tāngata ki waho
- kia kua he roopū e huihui ki rō whare
- ka taea e nga whakamātautau te haere tonu, engari kia noho wehewehe ngā ākonga mā te 1.5 mita te whānui

E whakapono ana te kāwanatanga, ki te whai tika i ēnei o ngā aratohu, ka noho haumaruru ngā ākonga me ngā Kaiako.

Hei whakamutunga, e tono ana te kāwanatanga ki a tatou kia tautoko tatou i a tatou anō. Ka whakahau i ā tatou whanau whānui ki te riro i te ārai rongoā.

Mehemea e hiahia ana koe i tāu pūrongo ārai rongoā, rēhita mai ki [My Covid Record](#)

[Find a walk-in and drive-through vaccination centres nearest you.](#)

Me kua e whakamā ki te toro mai ki a mātou mehemea e hiahia tautoko ana. Kia kaha, kia māia, kia manawanui.

Ngā mihi

Pete Jones
Tumuaki |Principal Manurewa High School